



*Argumenta tum ab Astronomia tum à
Philosophia Naturali deducta ad
evertendum Telluris Motum sunt
invalida.*

URania, ætherei semper bene conscia Mundi,
Sideribus quæ cincta caput, per sidera cello
Incedis gressu, nostræque impervia menti.
Ore vides, animoque notas, dignisque recludis,
In carmen te, Musa, voco: tibi terra Polique,
Diva, patent; nos parca vetat Natura vel istam,
Quam calcamus, humum fragili pernoscere sensu.

Maxima Philosophos inter gentemque togatam
(Post Danum) tibi cura fuit Copernicus Heros;
Quique inter Vates tibi charus habebitur, ille
Proxima; seu terram calcat, seu ad sidera surgit.

Currite jam placido, mea carmina, currite lapsu,
Quo pede, terra solet, motumque imitante quietem,
Tam nullo penè & ratio quem sola sequatur.

Credite, Mortales, in cœlo Terra movetur:
Illa solet Phæbo & reliquis occurrere stellis,
Solem oriente die, solem cedente procatur,
Totâ nocte vigil nec amor dat lumina somno:
Ille manet medio, radiisque per omnia spargit
Par Naturæ Oculis, rerumque immobile Centrum.

Rident Astronomi, barbatæque turba Sophorum,
Queis Natura parens animos fastumque creavit;
Atque ipsum potius ferri vertigine Vatem
Exclamant, motumque soli nostrum esse furorem.

Nobis Alma Parens & cui dat nomina cœlum,
Musa, dedit verum (falso licet undique risu
Excipitur) mundo ferre & ratione probare.

Aptior est longè Tellus leviorque moveri
Orbibus immensis Cœli; & cum Terra minor sit,
Tam parvæ minor esse solet violentia molis.
At, veluti cymbâ, pueri qui flumina tranant,
Jam ripas urbisque procul discedere clamant,
Dum ripis fixisque abscedunt urbibus ipsi:
Sic vulgus (puerile genus) puerilia mentis
Errata indociles Arte abjectare magistrâ,
Cum videant variare polos, inopinæque mundo
Sidera monstrari (Terrâ labente per auras)
Volventes orbis immensæque pondera cœli
Immotæque Deum sedes gyrania circum
Abripiunt fingunt mentem exuperante volatu.

Multa licet Cœli Naturæque magistri
Arguerint, motumque soli defigere rursus
Certarint; nunquam legi contrarius orbis
Motus erit Terræ: Ratio cum numinis olim
Tellurem morit, ratio hanc sit nostra moveri.

*Corruptio & dissolutio mundi non po-
test inferri ex principiis Physicis.*

NEc satis est dixisse Deum, decretæque cœli
Cognovisse homines; ipsi nova somnia fingunt,
Evacuâtque fidem ratio: quàm dulce putatur
Scire, & magnarum causas inquirere rerum!
Hinc aliquis veri studio flagrantior æquo,
Et cui spem fecit vis vivida mentis inanem,
Mortales quanquam fugiant cœlestia sensus,
Tentat inaccessam lucem, & ratione molestâ
Invia secreti vexat penetralia mundi:
Monstrat ut ipse tener mundi concreverit orbis
Ex nihilo, utque olim longi post tædia motus
Collapsura in se tantæ sit machina molis:
Cum tamen interea mortis non ulla futuræ
Signa videt, servâtque suum sincera tenorem
Semper, & æternâ fruitur Natura juventâ.
Attende, & faciles oculos circum omnia versa;
Num quid in oceano, terrâ, cœlo ve minatur
Interitum cunctis, & fata instantia rebus?
Fundit humo tacilem victum justissima tellus,
Sol indefessis orbem collustrat habenis;
Sed nec Luna minùs nocturnam pallida pompam
Ducit, & amissi solatur damna diei.
Præscriptas elementa horrent transcendere leges,
Nec timor est unquam rupto ne foedere pugnent,
Civilive ruant dextrâ; nova bella perenni
Corpora pace gerunt, coeunt æterna caducis,
Inque vices mors, vita fluunt; genuisse perisse est,
Et periisse salus: fraternâ pace ligatur,
Et constat natura sibi: num lassâ refedit,
Aut unquam solitas est visa remittere vires:
Illam non seræ labefecerit ulla senectæ,
Non fati vis ulla: Deus, Deus ipse Creator,
Cum volet, unius solenni fulmine vocis
Has evertet opes, sternetque à culmine molem.